



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1351 usque ad annum 1414

**Fleury, Claude**

**August. Vind. [u.a.], 1768**

**VD18 90118278**

§. 9. Epistola cacodæmonis.

---

[urn:nbn:de:hbz:466:1-66293](https://nbn-resolving.org/urn:nbn:de:hbz:466:1-66293)

Sæcul. XIV. culo, herbas crudas sive acetaria, caseum,  
A. C. 1351. fructus, aut bellaria habere, sed tantum  
 ex suis quisque catinis comedere, ac de-  
 centiæ causa suos inter lectos suspende-  
 re siparia poterunt.

Postridie Papa edictum alterum pro-  
 posuit, ubi ait: Si nobis, cum essemus in  
 minore dignitate positi, aut ex quo se-  
 dem tenuimus Apostolicam, in disputan-  
 do, docendo, concionando, vel alio mo-  
 do quidquam excidit fidei catholicæ, aut  
 bonis moribus contrarium, revocamus  
 illud, ac summæ sedi corrigendum sub-  
 jicimus. Nota hunc Papam loqui etiam  
 de dictis a se ad populum tempore sui  
 pontificatus. Convaluit hoc ex morbo,  
 & vitam per anni spatium produxit.

## §. IX.

*Epistola cacodæmonis.*

*Vitæ PP.*  
 to. I. p. 252.  
*M. Vill. l. 2.*  
 c. 48.  
*Alb. Argent.*  
 p. 156.

Plurium sententiarum fulmina emiserat  
 in Joannem Pro-Comitem Archie-  
 piscopum Mediolanensem, qui occupata  
 perperam Bononia se in Lombardia red-  
 diderat potentissimum. Quo tempore  
 cum aliquando Papa senatum haberet  
 sacrum, Cardinalium quidam dextere si-  
 nebat cadere epistolam: quam subleva-  
 tam de pulvere, & ad se delatam Cle-  
 mens in senatu legi voluit. Erat stylo  
 sublimi scripta nomine principis tenebra-

LIII

rum ad Papam Clementem suum vica- Sæcul. XIV.  
rium, & ad suos consiliarios Cardinales. A.C. 1251.

Percensebat ille communia & propria  
cujusque peccata: per quæ sibi eos ma-  
gnopere commendari aiebat, hortans, ut  
ita pergerent, largissimam regni sui gra-  
tiam merituri spernendo & vituperando  
vitam pauperem ac doctrinam Apostolo-  
rum, quam instar ipsius odissent, atque  
impugnarent. At conquerebatur, quod  
sua documenta non conformarent ad  
opera sua; volebatque illa corrigi, ut a-  
micos ad altiorem honoris gradum in re-  
gno suo eveheret. Quia hæc epistola  
Præfulum vitia insigniter notabat, pluri-  
ma ejus exemplaria spargebantur. Di-  
cebat etiam: Superbia mater vestra vos  
salutat cum vestris sororibus Avaritia,  
Impudicitia, & reliquis, quæ gloriantur  
ope ac opera vestra res suas belle pro-  
cedere. Dabatur in centro Inferorum  
præsente turba Dæmonum. Hæc epi-  
stola paulo prius exiit, quam Papa æ-  
grotaret, qui eam aspernabatur cum Car-  
dinalibus.

Multi eandem tribuebant Archiepis-  
copo Mediolanensi, ut qui primorum Ec-  
clesiæ Præfulum vitia pervulgando sua  
facere tolerabiliora, & irrogatas sibi cen-  
suras ulcisci vellet. Et tamen hic An- M. Vill. l. 2.  
tistes per conciliatos sibi Cardinales Pa- c. 66.  
pæ gratiam tam prospere captavit, ut L. 3. c. 4.

**Sæcul. XIV.** ab eo in possessione Mediolani ac Bono-  
**A. C. 1352.** niæ ad decem annos tenenda confirma-  
 retur, ea lege, ut duodecies mille florenos aureos quotannis penderet. Diploma scriptum est 28 Apr. an. 1352: dominica die 6 Maji sublatae sunt censuræ: atque Archiepiscopo pax ecclesiastica solenniter reddita fuit. Ita per misericordiam & pecuniam, inquit Matthæus Villanus, cuncta negotia magna cum pastoribus Ecclesiæ conficiuntur.

**Rayn. 1352.**  
**n. 8.**

## §. X.

*Hæretici in Delphinatu.*

Papa Clemens edoctus in diocesi ac provincia Ebredunensi ingentem hæreticorum multitudinem dari, qui propinquarum regionum Catholicis periculum afferrent, ad Episcopos, Abbates, omnemque Clerum, ad Optimates, Judices, ac societates dedit epistolam hujusmodi: Guilielmum electum Archiepiscopum Ebredunensem, ac Petrum de Montibus ex Ordine Minorum Inquisitorem loci, vicinarumque provinciarum jussimus eas purgare ab hæresi, qua sunt infectæ. Oramus igitur, & volumus, ut illis consilia, adjumenta, duces, ac præsidia militaria, etiam vestris sumptibus, si opus sit, subministretis. Dabat 7 Martii an. 1352. Hac super re scripsit etiam

**Vading.**  
**a. 15.**

**Rayn. n. 20.**